

Pétur Ingi Haraldsson,
skipulagsfulltrúi Árnassýslu og Flóahrepps
Dalbraut 12
840 Laugarvatn

Umhverfisstofnun
Áb. _____
21 OKT. 2009 54 23
Tilv. _____



UMHVERFISSTOFNUN

Reykjavík, 15. október 2009

Tilvísun: UST20090700116/áb

Tillaga að breytingu á deiliskipulagi iðnaðarsvæðis virkjunar á Nesjavöllum

Vísað er til erindis skipulagsfulltrúa uppsveita Árnassýslu og Flóahrepps varðandi tillögu að breytingu á deiliskipulagi iðnaðarsvæðis virkjunar á Nesjavöllum, dagsett 21. júlí 2009. Framvísuð gögn eru deiliskipulagsuppráttur og greinargerð / Umhverfisskýrsla.

Helstu breytingar á deiliskipulagi eru breytingar á stærð fjögurra borsvæða, breytt afmörkun á niðurrenslissvæði, nýr byggingarreitur austan heimreiðar og stöðvarhús fyrir kæliturn.

Umhverfisstofnun gaf þann 21. ágúst sl. umsögn varðandi matsskyldu framkvæmda sem er lýst í framangreindri tillögu að breytingu á deiliskiplagi. Umhverfisstofnun taldi *"ekki líkur á að umhverfisáhrif fyrirhugaðra breytinga á landslag, ásynð, vatn og gróður verði veruleg og því er framkvæmdin ekki líkleg til að hafa í för með sér umtalsverð umhverfisáhrif"*.

Umhverfisstofnun bendir á að ekki er tilgreint í framvísuðum gögnum að deiliskipulagssvæðið er innan vatnsverndarsvæðis Þingvallavatns, sem er skilgreint samkvæmt lögum nr. 85/2005 um verndun Þingvallavatns og vatnasviðs þess, og hefur þann tilgang að stuðla að verndun lífríkis stöðuvatnsins. Umhverfisstofnun bendir á að þar sem deiliskipulagið nær til vatnsverndarsvæðis Þingvallavatns telur stofnunin að vísa ætti til ákvæði laganna í deiliskipulaginu, t.d. að óheimilt sé að gera nokkuð sem spillt getur vatni eða mengað það, bæði yfirborðsvatni og grunnvatni. Umhverfisstofnun bendir einnig á að í 4. gr. reglugerðar um framkvæmd verndunar vatnasviðs og lífríkis Þingvallavatns nr. 650/2006 er óheimilt að skipuleggja iðnaðarsvæði og annað það sem spillt getur vatni eða lífríki Þingvallavatns.

Virðingarfyllt

Asgeir Björnsson
sérfræðingur

Ólafur A. Jónsson
deildarstjóri